



BOSNIA AND HERZEGOVINA
MINISTRY OF FINANCE
AND TREASURY

Broj: 01-08-16-1-1042-1/10
Sarajevo, 17.01.2011. godine

SVIM BUDŽETSKIM KORISNICIMA

Predmet: Uputstvo o načinu uplate povrata PDV-a na Jedinstveni račun trezora BiH i načinu evidentiranja povrata PDV-a preko ISFU-a

Ovim uputstvom propisuje se način povrata PDV-a po osnovu zahtjeva za povrat budžetskih korisnika budžeta institucija BiH i evidentiranje povrata PDV-a u ISFU sistem ukoliko je pravo na povrat PDV-a regulisano ugovorom o donaciji ili nekim drugim važećim aktom.

Proces uplate povrata PDV-a na Jedinstveni račun trezora i evidentiranje povrata PDV-a kroz Informacioni sistem finansijskog upravljanja (ISFU) realizirat će se na sljedeći način:

1. Budžetski korisnici na odgovarajućem obrascu Uprave za indirektno oporezivanje podnose zahtjeve za povrat PDV-a, uz prilaganje propisane finansijske dokumentacije. Prilikom podnošenja zahtjeva za povrat PDV-a, da bi Ministarstvo finansija i trezora prepoznalo na koga se odnosi izvršeni povrat PDV-a, budžetski korisnici-institucije BiH trebaju navesti slijedeće podatke:
Primalac: Ministarstvo finansija i trezora BiH
Transakcijski račun broj: 0000030000000145
Poziv na broj: 37111619
Svrha uplate: Povrat PDV-a za: (naziv institucije BiH)
2. Na osnovu rješenja o povratu PDV-a od strane Uprave za indirektno oporezivanje, budžetski korisnici će u modulu GL-Glavna knjiga trezora napraviti dnevnik, kojim će izvršiti storniranje odgovarajućih rashoda (u zavisnosti od toga na šta se odnosi PDV) a zadužiti konto 131392-prelazni račun potraživanja.
3. Nakon izvršenog povrata PDV-a na navedeni račun i obavijesti od strane Ministarstva finansija i trezora BiH (ukoliko se prepozna na koga se uplata odnosi) budžetski korisnik dužan je dostaviti pisani zahtjev za prenos sredstava sa podračuna broj: 37111619-Sredstva od povrata PDV-a na glavni budžetski račun Ministarstva finansija i trezora BiH u KM sa pozivom na broj 37111 ukoliko je plaćanje PDV-a izvršeno iz redovnih budžetskih sredstava ili sredstava donacije u KM a za koja nije otvoren poseban račun u okviru Jedinstvenog računa trezora BiH.
Ukoliko je izvršeni povrat PDV-a prethodno plaćen iz sredstava donacije u devizama onda je potrebno dati uputstvo da se sa računa broj: 37111619 iznos sredstava u KM konvertuje u devizna sredstva i prenese na broj deviznog računa sa kojeg je plaćen PDV.

4. Nakon izvršenog prenosa sredstava sa podračuna broj 37111619-Sredstva od povrata PDV-a, na glavni budžerski račun ili drugi namjenski račun, Ministarstvo finansija i trezora izvršit će zatvaranje konta 131392-Prelazni račun potraživanja na onom organizacijskom kodu na koji se odnosi uplaćeni iznos PDV-a.
5. Ukoliko budžetski korisnici rješenje o povratu PDV-a od strane Uprave za indirektno oporezivanje ne dobiju do predviđenog roka za zatvaranje Glavne knjige, neće biti u mogućnosti izvršiti evidentiranje iz stava 2, odnosno neće moći stornirati rashode godine u kojoj je plaćen PDV. U tom slučaju, uplaćeni povrat PDV-a će se oprihodovati.

S poštovanjem,

MINISTAR

Dragan Vrankić